

杭州全书

# 杭州文献集成

第


32

册

吴越史著丛编（下）

王国平 总主编

浙江古籍出版社





杭州全书

浙江古籍出版社



# 杭州文献集成

第 32 册 吴越史著丛编（下）

王国平 总主编

# 杭州全书编纂指导委员会

主任： 王国平

副主任： 盛阅春 毛溪浩 许勤华 张建庭  
朱金坤 董建平 顾树森 马时雍  
陈春雷 王金定 庞学铨 童 健

委员： (以姓氏笔画为序)

马 云	王水福	王建沂	王 敏
刘 颖	刘建设	江山舞	阮重晖
何 俊	应雪林	沈 翔	张俊杰
陈 跃	陈如根	陈震山	盛世豪
郑翰献	金 翔	金志鹏	胡征宇
赵 敏	翁文杰	聂忠海	章根明
童伟中	詹 敏		



## 杭州全书编辑委员会

总主编： 王国平

编 委： (以姓氏笔画为序)

马玉龙	马东峰	江山舞	阮重晖	吴志清
张 玮	张炳火	杨铁定	陈 玮	陈 跃
陈耿忠	杭天鹏	卓 军	单 敏	尚佐文
周黎明	郑翰献	胡红文	胡征宇	翁文杰
傅浩军	童伟中	蓝 杰	裘国兴	潘沧桑

# 吴越史著丛编总目

## 上 册

吴越备史 .....	钱 俨( 1 )
吴越备史补遗 .....	马荃臣(73)
吴越备史杂考 .....	钱肃润(87)
吴越将相大臣年表 吴越将相州镇年表 .....	万斯同(97)
吴越国武肃王捍海石塘志 .....	钱文瀚(129)
钱吴越王功德史 .....	钱文选(155)
吴越杂事诗 .....	钱保塘(185)
诚应武肃王集 .....	钱槐 钱瀛等(259)
吴越钱氏传芳集 .....	钱泳等(411)

## 下 册

钱氏家乘 .....	钱文选(451)
表忠小志 .....	钱文选(805)

# 钱氏家乘

〔清〕钱文选纂修  
徐吉军 王其煌 标点



## 点校说明

《钱氏家乘》，钱文选纂修，于民国十四年(1925)出版，线装，一函六册。开本阔大，内有大量图版。封面为清末状元张謇题字。是书以钱氏广德溧阳一宗所传家谱为主，又广泛收罗钱氏其他宗系的谱录、历史文献，分为序言、宸翰、像赞、图考、年表、家训、传记、遗文、艺苑、古迹、轶事、世系、支派、祠产十四卷。内容非常丰富，所记、所考内容都与五代吴越国有或多或少的关系。尤其是《年表》、《家训》、《传记》三卷，所记内容不见于其他的历史文献，非常可贵。序言分新序、旧序。新序著文者有当政总统徐世昌、国务总理孙宝琦、外交部总长陆徵祥，南通张謇、武进董康以及内务部总长、教育郭总长等。旧序著文有宋徽宗皇帝“御题钱氏庆系谱序”，宋理宗敕题“吴越钱氏谱序”，五代吴越国国王钱鏐撰“钱氏大宗谱序”等。亦有清康熙、雍正、乾隆钦赐御书、匾额、御制《铁券歌》等。有宋米芾、苏轼、岳飞、王十朋、朱熹等题赞。图考有明代所绘武肃王功业图十一幅，为人所罕见。此外，金涂塔图、铜爵图、武肃王遗墨考、忠懿王遗墨考、杭州表忠观图、功臣山墓图、武肃王墓域图考、文穆王忠献王等祖茔图考，均是钱氏宗族的重要文物记载，是研究五代吴越国历史的重要史料。

1996年，上海书店出版社曾根据民国十四年版重印《钱氏家乘》一书，本书便依此版本标点整理。



## 《钱氏家乘》目录

钱氏家乘卷一	序言	(455)
钱氏家乘卷二	宸翰	(479)
钱氏家乘卷三	像赞	(492)
钱氏家乘卷四	图考	(512)
钱氏家乘卷五	年表	(558)
钱氏家乘卷六	家训	(579)
钱氏家乘卷七	传记	(583)
钱氏家乘卷八	遗文	(620)
钱氏家乘卷九	艺苑	(630)
钱氏家乘卷十	古迹	(637)
钱氏家乘卷十一	轶事	(648)
钱氏家乘卷十二	世系	(657)
钱氏家乘卷十三	支派	(673)
钱氏家乘卷十四	祠产补编	(730)
钱氏家乘附编		(786)

# 钱氏家乘卷一

序 言

新 序

## 钱氏家乘序

粤自书契肇兴，纪载日繁。义例不同，名称亦因之各异。在国曰史，在郡县曰志，在家族曰谱。谱例导源于汉，世本详于隋唐。簿状至宋欧阳氏、苏氏最为精密。元明迄今，由来尚矣。钱氏系出少典，历九传至彭城伯钱鏐，为受封之始。鏐子曰孚。仕周钱府上士，以官为氏，为受姓之始。又历数十传至武肃王开国吴越。秉钧衡者若而人、领藩镇者若而人、袭封爵者若而人、尚公主者若而人。铁券铜爵，竹帛制诰。忠孝节义，代不乏人，庆系表忠各谱序言之详矣。士青孝廉为武肃王三十二世孙，与余弟世襄、世章为译馆同学，谊属通家，知之有素。顷者综理两浙鹺务，休沐余暇，考证吴越大宗谱，一一厘定而修明之。承先启后，厥功亦甚伟矣。《白虎通》曰：宗者尊也，宗人之所尊也；族者凑也，谓恩爱相流凑也。《礼》曰：尊祖故敬宗，敬宗故收族。近世士大夫往往昧于此义。若士青者，其庶几乎。余深嘉其志，爰徇所请而为之序。中华民国岁次甲子春正月徐世昌撰。

## 钱氏家乘序

呜呼！吾观于《钱氏家乘》，而忠孝友爱之心，不禁油然而生矣。武肃王少时以劳力养亲。及其贵也，后庭有层楼，母老不能上，则亲负以登。忠懿王嗣位，首以全兄为约。且为兄治第会稽，使之娱乐以终老。读《谢券》、《纳土》两表，恭顺谦挹。即暴戾如桀、纣、幽、厉，亦未有不为之动容者。此为子臣弟友之极轨，岂沾沾于畏

天保国已也。然吾又尝谓文王奄有三分有二之地，而小心服事，遂以开周家八百年之基。武肃王奄有十三州一军之地，而贡献不绝，遂以永钱氏千万世之祚。当五代时群雄割据，君臣父子兄弟间残杀相寻，貽祸苍赤。而江浙人民享承平之福者，垂数百年。五王功德，至今歌颂不已。保黎民即以保子孙，夫孰非忠孝友爱之成效哉。慨自民国肇造，岁星一周。方镇拥兵，日事侵略，而两浙又当四战之地。于是地方绅民奔走呼号，谋所以安全者。金曰有能致吾浙于乂安，亦今之钱武肃也。会西湖表忠观年久将圯，遂相与醮金鸠工。而王之裔孙士青孝廉，总核嵒纲，居浙五载。巡视所至，方整理其祖若宗之祠宇茔地，亦相与号召族人而赞助之。土木大兴，不日成矣。夫以五王之保境安民，既与今之时局相合；其子孙之官斯土者，又适丁其时。而王祠遂有焕然重新之一日，则岂非五王之灵爽，有以默佑之耶。士青孝廉又辑其王祖以下本支及旁支之传赞世系，汇为巨编，而乞序于余。余为表而出之，以见忠孝友爱之足以保世滋大；而保境安民，尤足以致讴歌于万姓，享庙食于千秋。俾当世之握军符操政柄者，有所观感而则效焉。是为序。中华民国十三年二月中浣国务总理孙宝琦拜撰。

#### 钱氏家乘序

苏明允《族谱·后录》曰：“百世之后，凡吾高祖之子孙，得其家之谱而观之，则为小宗；得吾高祖之子孙之谱而合之，而以吾谱考焉，则至于无穷而不可乱。”然则《家乘》之辑，关系不綦重欤！钱氏一族，始于上古，盛于五季，而繁衍于今兹。自武肃开国，揭隳保境安民之旨。而吴越十四州之地，不被兵甲者垂及百年。积厚流光，子孙贵显，与宋代相终始。视汉之窦融、南北朝之萧梁，殆为过之。洎入元代，以故宋外戚，抗节不仕，足愧赵孟頫诸人。明初大儒名臣，并时辈出。有若钱司寇唐公者，冒死争孟子配享；奏请天下咸祀孔子，不限于曲阜一隅，先后得请。师道立，士习端，而国基亦因之而固。即谓有明二百七十余年之国祚，延于其一言可也。至太宗伯用壬公，议定郊祀、释奠、藉田诸典礼，厥功尤伟。近以开当代休明之治，远以备后世取法之资。史册称之，洵非溢美。降及末叶，娉节义行，焜耀简册。靖侯公以布衣殉国，尤为叔世所难能。宜乎德泽绵延，氏族鼎盛，历清涉民国而未有艾也。惟是王有两宗，裴有三眷。钱氏自孝憬公卜居临安以来，由临安迁台州为一时期；由台州迁溧阳为一时期；由溧阳迁广德为又一时期。支派纷如，非有家乘，曷以别大宗、小宗之系统欤！士青仁仲有鉴于此，慨然有编辑家乘之举。搜艺文之记载，征父老之传闻。矜练岁年，鸿编告就。其精心毅力，均有足多者。余惟谱乘之作，所以纪亲等、别宗派而已。世衰道微，敬宗收族之礼废。往往一族之中，亲谊未

尽，而已庆吊不通，相视如路人。宗法之隳，大之即国家种族之忧也。然则欲强国欲保种，必自亲睦九族始。苏明允谓观吾谱则油然而生孝弟之念，而况乎钱氏之积德累功，保世滋大，有足以感发人心者在也。爰缀数语，以志景仰。并系以诗曰：

瓜衍椒蕃，一本是出。亲尽则疏，渺若秦越。何以稽之，谱牒琳琅。悠悠世祚，数典勿忘。上自少典，中递武肃。奠定吴越，化家为国。德泽所流，门祚以启。衣冠宦达，与宋终始。元明而后，派别纷歧。广德北山，是为本支。卜世十数，黄巾乱作。一线终延，天祚明德。献族九人，重耳尚在。尊祖敬宗，家风不坠。韦谱是因，昭穆以序。我弁诸端，昭兹来许。

甲子长夏天津严修谨序。

### 钱氏家乘序

在昔帝系纂于戴圣，世本创自兰台。《隋史》列谱系之篇，《唐书》详氏族之志。号为谱学，代有名家。路敬淳著姓略于衣冠，司马光叙臣寮之门胄；柳冲疏开元派别，颜昫稽究国正枝，莫不夸示宗祫，侈陈闳阔。究之韦平相业，仅著于《西京》；王谢风流，不传于《北史》。哀江南而作赋，谁知顾陆之宗；平河朔而兴歌，孰问崔卢之裔。五朝泡影，帝祚几时；十国虫沙，音尘若梦。纆干飞雀，唐昭兴漂泊之嗟；崖水潜龙，赵家无干净之土。惟浙江钱氏承家开国，震古铄今。建德肇封，班爵著彭城之号；因官受姓，上士掌泉府之司。溯江左之本宗，富春则策勋于邗上；稽临安之始祖，孝憬则遗迹于茅山。而况苕水钟灵，异人特出。阶少康一成之地，启齐桓九合之功。保境安民，肇宏基于吴越；锄奸诛暴，留遗爱于湖山。树披锦以花明，弩射潮而浪靖。闭关设险，踵十年生聚之规；捍海筑塘，裕千载农桑之利。繇是祚延百稔，统垂五王。一德相承，四境不扰。文穆整旅，告捷于淮南；忠献经军，开疆于闽峤。庆道让国，效泰伯之居荆；忠懿绍封，作窦融之纳土。天祚忠孝，用绵累叶簪缨；民念勋劳，永奠千秋俎豆。披外戚传，而会稽膺尚主之荣；厕文学科，而冀国备承明之选。下此埶厖并奏，耀桀戟于一门；砚笏相承，秉钧衡于二代。是虽雍荣继美，未能拟斯高华；轼辙齐名，亦且逊其显达者矣。尤难者不仕元室，足愧赵宋之子孙；早徙章安，预识中原之板荡。衍葛藟之旧蔓，擢竹箭之新枝。昌祖官广德，而溧水分支；朝辅隐南山，而白云辑瑞。阮判南北，裴别东西。繇此权舆，益宏流派。降及明世，迭出名贤。司寇公争文宣之祀典，而天下遂隆释奠之文；复亚圣之明禋，而海内咸仰批鳞之直。则卫道功深也。宗伯公效房玄龄之定典礼，聿启休明；陋叔孙通之起朝仪，仅成绵蕞。则典秩绩懋也。他如传阳明宗派，著述藏诸名山；置希文庄田，义

门榜于闾里。或设防御寇，卫国即以保乡；或指困蠲金，恤邻并能弭患。或冰霜矢志，巴妇筑怀清之台；或孝弟力田，皇甫入独行之传。皆足以增辉家弄，垂裕后昆。士青先生祖德孔怀，希踪康乐；清芬载诵，抗手士衡。仿褚结家传之篇，搜韦鼎诸房之略。条分十二类，蔚成一家言。首冠叙文，新旧咸资乎考证；次摹图像，恇优恍接夫仪容。录宸翰而列朝之荣典常昭，述家训而王祖之宏规永守。遗文传后，比之楹书；考古有图，本诸宋志。年表仿龙门之体例，传记补柱下之丛残。歌颂新声，广罗艺苑。湖山胜迹，长系名区。详莹宇之兴修，礼隆承祀；数源流之同异，谊切敬宗。详其自出而非繁，阙其所疑而非略。此史家之通例，亦谱法之别裁。将见上绍灵源，下宏丕绪。横山郁郁，直高挹乎吴山。桐水湛湛，永沿流于浙水。云尔。中华民国十三年十月南通张謇拜撰。

### 钱氏家乘序

谱系之学尚矣。自汉迄唐凡百官族姓之有家状者，则上图谱局，以补官籍所不及。盖家乘之荣，亦国史之光也。降至五季，贵贱无等，婚姻无别。典籍失坠，门望销沈。世系源流，茫无可考。宋郑渔仲作《氏族志》，论得氏受姓者有卅二类。第十一曰“以官为氏”，而钱氏与焉。按钱之得氏，世称自彭祖第二十八子讳孚者。以父名钱，而称钱氏。然孚公为周文王师，官予钱府上士。则郑氏谓钱为以官为氏者，其即据此以断欤！人莫不欲敷扬世胄，以为门户光。顾自有谱牒以来，如钱氏之光明盛昌，吉善长久。其间王侯将相、勋业文章、忠臣义士、孝子贤孙，与夫壶仪淑德、玉叶金枝，无不盛极一时。求之中外古今，罕有伦比。固不独武肃王之丰功伟业，昭昭在人耳目间也。观夫武肃王裔孙惟演公，于宋天圣间著庆系谱。其《自序》云：“自武肃王著大宗谱，去今一百余年，且七世矣。惟演辄继而录之。复不知几世几年，有能继其事者，当属之于后贤耳。”士青孝廉为武肃王三十二世孙。少孤苦，长而好学。以前清学部小京官，奏派驻英游学学生监督。余长外交时，充驻美金山领事官。回国后迭充滇直皖浙盐务要职。才擅外交，学精正策；官历中外，足遍全球。文学经济，灿然可观，久为余所心许。今士青孝廉纂辑旧谱，追念先德，综为十二类。名曰《钱氏家乘》，以履惟演公属望后贤之心，可谓尊祖烈矣。兹编告成，上可以增光国史，下可以嘉惠士林，又岂仅传为世宝云哉。故余乐为之序。中华民国十三年孟秋月，前国务卿外交部总长、上海陆徵祥拜撰。

### 钱氏家乘序

广德钱氏与余同占皖籍。清季癸卯，皖抚遣送高材生三人入京师同文馆，士青

与焉。同文旋改译学，适与吾子泽春为同研友，昕夕过从益密，时为我道其家世。谓先世昌祖公自台官广德、迁居溧阳。潮公又由溧迁广，是为隶皖之始。等而上之，由武肃钱鏐以迄黄帝少典，数千年来一系相承，数典未敢或忘。余以是知钱氏之世系甚悉。嗣士青以学部小京官奉派驻英游学学生监督，兼海牙万国修身大会代表、万国种族大会代表。继充驻美金山领事官，兼巴拿马赛会国际审查官。回国后，部派稽核盐务。自云南而长芦而两浙。岁月不居，忽忽二十年矣。甲子岁续修家乘。以所订编纂目次，远道见示，属弁言简端。余见其甄采艺文，考征统绪。纪载之翔实，审谛之精严，一以欧苏谱法为标帜。乡关翘首，乐观厥成。源远流长，根深者叶茂。行见上承先德，下启后昆。浸炽浸昌，光大门闾，绍述武肃之余烈于勿替也。是为序。中华民国十三年甲子孟夏前国务总理旌德江朝宗拜撰。

### 钱氏家乘序

万物本乎天，人本乎祖。自人有家族，其间盈亏息耗，一视祖先功德之大小，以卜盛衰。嬴秦以前，封建未废。诸侯世国，卿大夫世禄，其能常保闾閭，固不足怪。魏晋用九品官，人士之齿朝籍者，率取之世家。其时如王谢诸门，簪黻蝉嫣，久而益炽。迄唐犹重门第。余读《唐书·宰相世系表》，见其所列氏族，多出自古公侯将相名臣。其传系著望，往往千余年不绝。此盖国家之立法使然。及后世取士用科目，得失不可必宰相之子，或侪伍氓隶，兴废无常。非甚盛德，孰能阅百世数十世而不替者乎。广德之有钱氏，自浙江所分支也。浙江之钱，自武肃王益大。武肃王功德至博厚，故其子孙硕茂蕃衍，散布遍中国。有裔孙曰昌祖者，官于广德，迁居溧阳。其后有曰潮者，又由溧阳迁广德。是为广德钱氏之始，迄今十余传。钱文选士青以文学政事显闻当时。公暇采摭先世旧闻，编辑宗谱。书来征序，并附具钱氏世系及自序修谱本旨见示。按钱氏之先出于少典，九传至钱鏐，封于彭城，世称之为彭祖钱鏐。第二十八子曰孚，事周文王。因父名称钱氏，此钱氏受姓之权舆也。由孚四十九传至东汉征东将军富春侯让，始占籍江东。又由让十九传至武肃王父太师宽。其间名次爵职，如庭树排列，而可指数，有武肃王所为大宗谱言之详矣。武肃王有子三十人。文穆王袭国。文穆王传忠献王、忠逊王，至忠懿王宏俶纳土于宋。其间富贵隆盛，有惟演所为庆系谱言之详矣。观钱氏所由起其家，济济绳绳。虽古公侯享国永久，及魏晋华胄、王谢诸族，其门祚未有若斯之绵远者也。士青于武肃王为三十二世孙。近年综核嵯政，于役杭州。既与在浙宗人议修武肃王祠墓，画其地址，纳粮于官，用垂永久。此次所修宗谱，但纪本支。然自钱氏得姓受氏，及武肃王创国以来，遗闻轶绪，有颇可采者。士青自言遍游两浙，所目睹先世故事至详悉。

为择举萃萃大者：丘垄，则有大涤山、平望乡、衣锦城；胜迹，则有雷峰塔、卓笔峰、强弩射潮、筑塘捍海；宗器，则有大长公主赐第。第中若铁券、若铜爵、若竹册、玉册、若遗像，非历世王侯将相，封茅胙土，乌能有此。人情于先贤遗迹，凭吊流连。至其所可感，往往濯然不知涕之流落也。况为子孙者乎！况子孙之才且贤者乎！此士青所为征文考献，备书于册，而不忍付诸湮沈也。士青本支既武肃王嫡裔，若黄河滥觞于昆仑，曲折起伏而来源自远。当洪杨之乱，广德被兵祸尤烈。钱氏两世仅存三人，可谓孤危甚矣。《周易·剥卦上九》：“硕果不食，而一阳复生。”张平子之赋思玄曰：“桑寄根生，卉凋已育。”以士青延一线，引千钧。岂其钱氏气运泄之久，不能不稍衰歇欤？毋亦贞元嬗代之际，必经徂落而后勃发欤！士青用心仁孝，淳淳焉以敬宗敦本为务。此谱成，而钱氏子孙得尽览先代丰功伟业。展卷慨慕，人人具发奋绳武之思。于是凭借武肃王盛德，将有历百世数十世而益振其绪者。《传》曰：“有妣之后，将育于姜。”钱氏本神明之胤，鼓动拔起，行见人文蒸蔚。等于敬仲迁齐，而厥后大昌。吾知广德钱氏，且与旧隶浙江者代兴互盛。而门阀之隆，可企踵而待也。因弁言于简端以券之。中华民国十三年孟夏前国务总理合肥龚心湛谨序。

### 钱氏家乘序

夫木重乎根，水发乎源，人本乎祖。故豫章千仞，则枝叶繁；昆仑一脉，则派别多。积功累行之祖，则流泽长，理固然也。考吴越钱武肃王捍海筑塘，兴利除害。保障东南，民生百年不知兵革。三世五王，七朝忠孝。允文允武，代有名贤。故子孙至今而益盛，岂偶然哉！惟世代迁移，沧桑屡变。读苏东坡《表忠观记》行道伤嗟之句，不禁感慨系之。民国改元，武肃墓祠尤形荒圯。士青先生以名孝廉受京秩，出膺留学监督，转任盐务榷使，政声震中外，足迹遍全球。今宦游至祖乡，凡王陵祠宇、古迹丘垄，无不亲历考查，书诸简册。而对于祠事，尤殚心竭力。如西湖表忠观及临安钱王祠基地与墓产，因民国无豁粮例，士青商诸族人呈请认粮而恢复之。临安功臣山因有人创办森林，士青提议承粮而保存之。武肃祖墓及其元妃戴氏夫人墓碑荒废无存，士青出资复立之。临安每年祭扫之费不敷，士青独捐千金，购置祭田以助之。西湖表忠观因上年风雨为灾，殿宇毁坏，士青商明官绅同族，发启以修葺之。临安县署大堂下，相传武肃王真墓在焉，县令谋修复。士青代陈当道，请发公帑。故陵寝得以永保。其他倡办族学、清理祭产等事，大率由士青主持者居多。士青今更采集群书，修订家乘。将祖宗之美德懿行编辑之，以垂来祿。何宅心之远大且厚也。考武肃而后，钱氏子孙兴修宗谱最著名者，厥维宋代惟演、端礼、象祖三公。然当时编辑体例，史册未详。至重修茔宇，购置祀产，大都出于地方官绅建议。

而由本系捐资发起者，千余年来实不多见。殆亦因支派散处各方，足迹鲜涉祖乡之故欤。今士青由长芦移榷是邦。值此难遇之机会，而具有兴复之宏愿。政事余闲，一意经营尊祖敬宗之业。岁月从容，次第就理。其事其人，均堪不朽。家乘告成，征序于余。余曾同官浙水，见闻较确。今阅是编，博采綦详，精华悉备。非独表扬祖德，实为文献功臣，又岂作一姓谱牒观之而已哉。是为序。中华民国十三年六月中浣前内务总长、浙江省长齐耀珊拜撰。

### 钱氏家乘序

海宇际蝸蟻沸羹之会，坐拥专城者，苟力不足以削平大难，惟有保境安民，可以免一方生灵于涂炭。此古今不易之良规也。西汉哀平末造，群雄竞起。隗嚣负固反覆，公孙述夜郎自大。余分闰位，不旋踵翦灭。惟河西窦融带河为固，从俗耕种，务与休息。及建武受命，席土来归。子孙贵显，与汉代相终始。晋典午渡江，河朔一隅，半杂鲜卑氏羌之属。惟张轨保据凉州，勤修庶政，民富兵强。自轨至骏，四世相承，境宇乂安。延至重华僭号，始为他族兼并，而裔胄犹盛于隋唐。至五代之乱，较汉晋季世为尤甚。钱武肃不阶尺土，崛起什百之众。擒徐约，斩汉宏。假八百以誅黄巢，拥两藩以备行密。歼罗平之妖鸟，册渤海之蛮王。战胜攻取，拓地开边。几几乎足以称霸于一时矣。在它人必且怀并吞六合之志，包举宇内之心。穷兵黩武，未有已时。而武肃则奉唐正朔，结好邻封。划疆设险，兢兢自守。使十四州人民老死不知兵革。且出其余闲，兴水利，修蚕织。除苛解烧，捍灾息患。越千余年，而吴越士庶犹食德不忘。宜乎积厚流光，子孙簪纓累世不绝也。方今国基阽隍，如累卵之危。强藩翦食，具封豨之势。视武肃之宏观大略，不禁深有感矣。士青先生重修家乘，征序于余，附述及此。至是编体裁之精当，源流之明晰，它序论之已详，兹不复赘。中华民国十三年八月武进董康撰。

### 钱氏家乘序

窃尚观海内氏族之源远流长，子姓繁庶，簪纓累叶，人才蔚起，散处遍国中，更百余世而勿替者，其惟吴越之钱氏乎。考钱氏自少典发祥，九传至彭城伯箴，为钱氏肇封之祖，即世所称彭祖是也。彭城伯生泉府上士孚公，为受姓之始。又四十九传至富春侯让公，为江东第一世祖。又十五传至孝憬公，始迁临安之茅山。再七传至武肃王，开吴越之基。当唐末大乱，中原鼎沸。攘盗名城，窃据疆土者，指不胜数。并皆厚自封殖，负嵎崛强。卒之覆宗夷国，民罹其殃。而吴越跨有十四州之地，三世五王享祚百年。自唐之末造，历经五代，神州之板荡极矣。蒿目当时，几无



完土。独吴越一隅，藉武肃之威，保境安民，人物晏如，百年不知兵革。其伟业丰功，照耀简策。迄今千载后，慨想当时，犹有余慕焉。盖艺祖自陈桥返旆，代周受禅之时，而大江以南僭国之地丑德齐者，雄视如故。独吴越首先归命，克尽臣节。读史至唐末五代之际，而窃叹艺祖定鼎之初。其视吴越之向背，为成败者欤。至忠懿不待告命，封府库、籍郡县，而请吏于朝。以视南越王之于汉为何如。是以铁券之赐，盟誓山河。今读《钱氏家乘》，如列圣之诏敕、昔贤之像赞、暨家训图考世系洋洋乎伟观哉。今赵宋之河山已邈，而武肃之德泽尚衣被于吴山越水之间。则钱氏之绳绳继武，世泽孔长。著旂常而光史册者，尚代不乏人。为善者昌。明德远矣，故武肃云初遍于宇内。兹以广德分支，又历十余世，其中盛衰更替。异节奇行，乐善守道，恐年湮代远，有味敬宗收族之旨，失昭穆文献之征，不得不别为支谱。是以于大宗则存其概，而详于本支，亦竟委即可穷源之义也。即于区区一支派之间，具见钱氏之世泽勿替云。中华民国十三年二月，前大理院长、内务司法交通总长、奉天民政长、福建巡按使、安徽省长、秋浦许世英谨撰。

#### 钱氏家乘序

《记》曰：“先祖无美而称之，是诬也；有善而忽之，不仁也。”钱武肃王起自闾巷，混一吴越。保疆睦邻，与民休息。中原屡易共主，皆只奉正朔，以泯其猜忌之嫌。故近以开五王之绪，远以垂百世之规。可谓美昭史册，善洽人心者矣。士青先生既修祠墓，以隆观瞻；复纂家乘，而申景仰。岂非仁人孝子之用心，有合于礼经者耶。且此举非独一族所矜式，抑全国所当景从者也。海内苦兵甲久矣。上无强固之政府，下有雄据之列藩。缮卒厉兵，咸图一逞。风诡云扰，曾无已时。商路于涂，农辍于野。百工失业，游士纵横。其纷乱情状，较五季时宁有少异。忆昔钱王处兵戈扰攘之世，列国皆僭窃大号。如蜀王氏、吴杨氏、汉娄氏、闽王氏，僭窃尤著。回顾吴越一隅，人有以龙衣玉册进王，王拒不纳。恪守臣节，保全境土。得传国玺，即献诸中朝。观其答罗隐曰：“吾以有土有民为主。民诚能安，吾又何求。”本此旨以保民，故终五季战争之世，江以南独能免于磷青骨白之苦，其福庇斯民甚厚。今之人望治更殷于昔。亟赖有贤明长官、封疆大吏，以保安为职志，致亿兆于平康。不逞干戈，不慕荣利。知有地方有国家，不知有个人。果如是也，行见大局救平，全国统一。则其功德之入人心，至深且远，与武肃后先媲美可也。是书注重武肃，其亦有意于斯乎。至其他编制，繁简得宜，亦颇具史家之笔法。洵为名山寿世之作，岂仅为一姓一家之谱牒已哉。中华民国十三年孟冬月前教育部总长范源廉拜撰。